

*under*  
Molêpô 37-20

K34 / 5 K34/5 7 8  
1/3

100-1b

K34  
#75 ser.75.

J.Khoadi. Mpe.

## History ya Bošexa xa Molêpô

Ba xa Molêpô ke Makxalaka, ba kxaoxane le Makxoba Kxatla ba theoxêla Bošexa ba hwetša xo buša Makubu. Kxoši ya Makubu e le Molelemanane Maloka. Bôna kxoši ya bôna e le Mmatwane. Mmatwane a tswala Lekxalaka. Ba lwa le Makubu ba a fišetša dintlo. Ba be ba thumešitše dišu tša dikxomo ka mollô ba di thlometše mesêbêng. Xe mesêbê e thlaba dintlo, tša fswa. Ke xe Makubu a fengwa xobane a se sa ne xaê. Moraxo xwa buša Maiša, yêna o lwele le Mapono a xa Moselakatse. Ka moraxo xa ntwá yeo xwa thlaxa tlala ya Bodimo. Tlaleng yôna yeo xo be xo swanetše xo wêla morwaxwe Setlakalane, mme mohumaxadi a êpêla mabêlê ka ntlong kxoši yeo ya bolawa ke tlala a êpêlwa mmotong wa Makxoroma mo xo êpêlwang dikxoši tša Bošexa le lehono.

Ka moraxo xa moo mokxômana wa xa Mafêfê a longwa ke kwena. Ka xe molaô wa setala o be o re motho xa a lomilwe ke kwena xa a tsene ka kxôrô, a laola dira xo ya xo hula Maune xa Mmathšipi, a feta a rapa sera Bošexa, sôna sa rwala ke Setlakalane e le mokxômana wa Bošexa. Ba fihla ba fenya Matebele ba hlaba dikxomo ba apea nama kxorong. Mohumaxadi a re: "Na le reng le re le fentše la se tloxe? Matebele a tla le fetša". Ba kae bo-Sekxaolêlô sa Bathokwa ka bo-Makxafola. Ba se ke ba šetša keletšô yeo ya mohumaxadi Mmathšipi.

Ba re ba sa thabile ba e ja dinama ba bintahša basadi kôma tša bodika, a tšwêla Matebele ka dihlopha ka mahlakoreng ôhle a motse, a ba dikanetša a ba fetša Makxau Maune a Morulana.

Mokxômana wa xa Mafêfê a hwêla xôna ntweng yeo le Setlakalane. Bakxômana ba boileng ntweng yeo Bošexa ke Mmankxatleng, xa Mmafêfê ke yêna Mmafêfê. Banna ba feletše moo basadi ya šala e le bahlôlôxadi. Monna o tee a êmêla motse, le methepa e hlôka batsei.

Ke xe Mmankxatleng a nthša bodika bya Mathunya. E ile xe bo sa tswa xo aloxa, a fihla Maune a Morulana a xopotše xo thopa dikxomo, ka xe banna ba fedile ngwaxôla ntweng. A tšwêla e sa le xosasa a bônwa ke mosadi ya beng a tšoxetše nokeng. Ba re re a mo leka a phonokxa a hlaba mokxoši, banna ba tsoxa, ntwá yeo e lwelwe ke dialoxa di sa nee matsoki. Banna xe ba e tswa ka kxôrô ba wêla Matebele xodimo ka thšôša, ba ithêta, ke bo-kômasepela a Mmanthonyane, Lexeti, Kxarole, Moseneke ka bo-Matile le ba bang.

Ba / ...

8/5 ser.75.

Ba ba theoša le moedi wa Mmabodibane, ba ba swara lehlakola se ba ile, xe ba lebile noka ya Mphoxodiba. Phalafala ya lla. Ba re "Batho ba jeng le ba xomêlê, batho ha se dikxokonyana".

"Moraxo xwa buša Mmakxwana xe Makxowa a hula. Mme batho ba thšabêla ka ntšie, Mmankxatleng yêna a ya Molele.

Moraxo xa Makxwana ya eba Komeledi, a latêlwa ke Setlakalane, o hwile ka 1938, Lehono xo buša Makxwana.

Dirêtô tša baxale ba marumô

I

Kômasepela Mpe Malaka  
Kômasepela Mmanthwaneng  
Le petšana Lethunya le maratetšo a xo apea motho  
A mmôna a thšoxa Matebele  
Makujwana ba xa Mmathšipi  
Ba re: Lenaba le etla Komasepela  
Dioka tša Mmamoxale ka senya  
Ka senya ka dia makxabutla  
Ka senya foka tša xa Mafwafwane  
Mmamalekane a Rankaxele o leka namane  
O leka seoka mmaxe a hwile  
Xwa re mokxolokwane ka hlôka molletši  
Ke thšuwana'a Mabula lejela thata la xabô  
Moremadi  
Ke lle nama, ke timile rakxadi  
Ke timile ngwana Mpe Mahulwane  
Mahutamong o hlabile manyapo  
Šaqaša o e hlabile e sa hutame  
Namane e thšweu papola majweng  
Ngwan'abo Mmanyabela sethakxa sa  
Xo tse xo hlabana ntwā  
O Mošweu o hlabā kala seatla

II

'Kxwadi Makutu Mpe'.  
Thip'a-Mmasekxekxe-a-bo Makitla  
Thšweu ya ditsebe Makutu a xa lekutumiša  
Motho ka theko ya lerumô  
Motho a šala a bina tlakasêla a etša  
Tšie ya lephatakalela  
Letšatši xe o phsirima o moloi  
Nka be o kile oa seba makxatla  
Manaba manaba a xa Rahlaxana.

Kxoši/...

Kxoši Mmankxatleng.

Mmankxatleng diatla ke kxōnē xo lesa tša batho  
Thšweu a seloa rangwane'a Mošitši  
Rangwane'a Putla le Setlakalane  
Mmankxerexere a bo Mošitši a nthša  
Thšoša a nthša rumō le lexolo xo mangwē  
Nthsexeleng thetebodi a Maleka  
Kōtsē ke swere ya tlou lelokwane  
Moretlwa wa Mapakwaneng ke thupa ke Kxati ngwan'a Lesiba  
Ke kxati e tiang batho pelo Morwa Ramaseo pheko e  
khwibidu ke pheko ya xo re ya fenyā Matebele  
Sefenya ka bašimane maxaola  
Maxoši ka moka le se le kxobane  
Le xoma ka Porotlwane a molomo  
Ka bo Selosamaboa bo Lekatšile  
Tau swara kxomo ngwan'a Lesiba sebata sa mangana  
Mo lesē a fetē xo fetše bo Letšana ka bo morwa Mmakadi  
monn'a  
Kxati, Ba dia dikxomo mošala šopeng  
Ba di šlšlwa xola ba pholoxile  
Ba e ja morutswane xa Mphahlšlš.

END S. 75.